



UNIVERSITÄTS-
BIBLIOTHEK
PADERBORN

Universitätsbibliothek Paderborn

Asiaticae Historiae Societatis Iesv Pars ...

Libris Quatuor Comprehensa: Vbi praeter res gestas à Patribus Societatis Iesv in conversione Sinarum, Cocincinae, & Tunchini Regnorum nihil omittitur eorum, quae possunt liberali placere Lectorum curiositati

Bartoli, Daniello

Lvgdvni, 1670

110. Ventres idolor. auro, & gem. impleti.

urn:nbn:de:hbz:466:1-10757

aditu penetrare ad Regem nunquam potuissent, & prospiciebat si minus neganti Vanhié, successorum saltem cuiusdam profutura.

Quamobrem hæc etiam tam læta amicissimum sibi latere noluit Lingozonum; persuasitque illi multis in aulam regredi & Regionis vnus regendas vrbes quæ deferebantur suscipere; cuius Præfecturæ dum à Rege diploma Pechini operitur, quadrimestrem dedit in Geometricis Riccio operam; in qua quotidianas scholas, dexter & caritate habili Magister, à Mathematicis inchoatas, Theologicis claudibat, vnde simul acutus ingenio & iudicio præstans discipulus, percepta facile Dei notitia, erat illi tunc nomen daturus, nisi perplexo illo multarum coniugum laqueo teneretur. Sed iuuabat nihilo segnius Riccium in quaestiu animarum, suæque in primis familiæ, in qua duos habebat excellentis ingenij iuuenes propinquos, professione Literatos, horum alteri dæmon vaticinatus nascenti fuerat fore Deorum Sinensium, in paucis cultorem eximium, & verò tam miris à puero & inuitatis modis vaticinio respondebat, vt celebraretur nomine sanctitatis. Sed enim haud prius Christi Dei scilicet illi affulsit radius, cum dementem illam suam pietatem in eorum detestationem odiûmque conuertit, solitus deinceps seipsum pudore obruere, si quid minus ardentem, atque industrie pro Christo præstaret, quam olim pro dæmone. Patrem quoque suum Lingozonum Deo mirabiliter adspirante, paucis argumentis ita Christo addixit, vt congesta in fascem simulachra haud difficilîus, quam, (quod ipse aiebat) veteres calceos à se proiiceret, sed amplæ illius familiæ tam fausta mutatio, nihil prodigiosius habuit locuplete viro & nobili, suis propterea penatibus impensè obstrictus, quod multa se crederet illorum beneficio assequi; vnde auro, argento & gemmis, subinde illorum in ventres coniectis satagebat illos retinere sibi propitios, & eorum fauorem emereri, qui mos Sinis est facer, & sacra sunt omnia quæ iactantur in idoli cauum velut in idoli viscera mutarentur. Multi quin etiam dum iuola finguntur, ex rebus cuiusque generis, optimi aliquid eo cauo concludunt, aiuntque ex sua, nescio qua, Theologia, idoli intelligentiam, illa naturarum ex vniuersali communione & varietate consistere. Cæterum is de quo cœpimus, adulter, perfidus, iniustus, vita erat in Deum & homines qua dici aut fingi detestabilis nihil potest. Dumtaxat illud retinebat ex genio Sinarum quod erga parentem decrepitum intimè afficiebatur omnique labore, & sumptibus, eius voluptati & desiderio studebat, paratus; caducum illius senium, exhausto, si possit venarum suarum sanguine reparare, qui naturæ, ac gentis instinctus, misero salus fuit; audiens enim apud herum suum Lingozonum de vita immortalis quàm Christiana lex suis certò spondebat sequacibus, statuit omnino fore se in patrem, impium, nisi hanc illi pro viribus curaret, ratusque se ab illo æquius auditum iri quàm alium, Christianismi rudimentis excolendum se Patribus obtulit, ipse quidem de lege haud magis quàm de vita mutanda cogitans, sed parenti

N n

Conuers. in-
fig.110.
Ventre idolo-
lor. auro, &
gem. imple-
ti.

solum sollicitus, volensque memoria complecti quæ illum esset illico docturus; verum illa dum animo versat, & frequenti memoria recolat, hærete, admirari, probare, deperire, & ex Magistro quem parenti formabat, dare se Christi discipulum: nec fuit voluntas Christianismi fixa & solida, tardior catechesi: diuinæ opis supra omnem modum multata vi roboratus, idola omnia ad Patres transmisit; & amicæ adulteræ æternum nuntium remisit, quæ verso in rabiem amore, cum nec blandiens nec rogans quicquam ex eo emulceret, iuravit se nocte intempta, apto ad fores ipsius laqueo, fauces propria manu elisuram, quod is Deo fretus, quicquid inde aut illi, aut sibi venturum esset mali spernens, domo illam abegit; puellam quam emerat in futuros amores, parenti dono restituit. Sed initiatum magnificè Christi baptismate, de Luca nomine insignitum, noua exercere certamina. Conducunt inter se ingenti numero Ethnici vt illum enormi immanium criminum obruant accusatione; submitunt amicos qui hoc illum metu reuoluant in idola; & minentur vitæ ipsius antea actæ infamiam præiudicatam fore probationem illorum scelerum: verum eo ardore pietatis ita de se illis, & de Christi lege satisfecit, vt qui ad eum euertendum aduenerant, ab eo edocti sapere meliora, ad suos redirent, eorumque nonnulli, Christiana sacra, quæ in illo suspexerant, postulerent. Tantumdem illi cum sodalitate quadam Ethnicorum cui præfuerat euenit, defectionem ab idolis cuius illos grauiter pudebat malignè vlturi, repetundatum actionem in eum struunt; & Christianorum in sectam transfugisse, ne quas suos in vsu auerterat sodalitatæ pecunias redderet: quamobrem Patrum consilio innocentiam, defensurus die quodam in frequentem illorum coetum subit, quantum improuisus, tanto magis acceptus, quod Christi penitens, putaretur idola repetere, illic de se primum suæque inter illas ratione omni pecuniaria diluit quæcūque poterant malæ fidei suspectum facere; tum de Christi lege cui se adiunxerat progressus dicere, tantum rationum, verborum, & ardoris imperio egit, quem eius in ore manerem humano cernebant attoniti, vt plus media pars auditorum sublequeretur abeuntem, & accenseri peteret Christianis. Sodalitatem quæ etiam domi suæ instituit, cuius formam, & leges & ex Deiparæ Natali nomen accepit a Riccio, qui dies Septembris octauus anni 1609. Sodalitatis sacris in regno Sinarum principium dedit. Fuit huius sodalibus primæ cuiusque Lunæ Dominico conuenire, audire Patrem de rebus diuinis; interrogare de dubiis; partiri vices piorum operum quæ quisque esset ad sequentem Lunam oblaturus, ex quibus largitas in egentes, maximè verò in splendidam, etiam pauperum sepulturam, existimationem virtutis Christianæ magnoperè auxit. Lucas autem quæ ceperrat pergens, plus centum Ethnicos religioni veræ lucrificat, in quibus omnes suos, & decrepitas senio matronas, post exhaustas, & vices, & nummos, & ætatem in simulachrorum dura & stolidi seruitute monstrabatur in his præ cæteris, velut ostentum diuinæ gratiæ Literatus, quod

TIT.
Prima Sod. II.
B. V. inter Sina-
nas.